

**2011 Rhif 558 (Cy.80)**

**GWASANAETHAU TÂN AC  
ACHUB, CYMRU**

Gorchymyn Awdurdodau Tân ac  
Achub (Dangosyddion Perfformiad)  
(Cymru) 2011

**NODYN ESBONIADOL**

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn pennu, o ran Cymru, ddangosyddion perfformiad y bydd perfformiad awdurdodau tân ac achub, wrth iddynt ymarfer eu swyddogaethau, yn cael eu mesur yn eu herbyn o 1 Ebrill 2011 ymlaen.

Mae erthygl 2 o'r Gorchymyn hwn yn pennu bod y dangosyddion perfformiad wedi eu nodi yn yr Atodlen i'r Gorchymyn hwn.

Mae asesiad effaith reoleiddiol wedi ei baratoi mewn cysylltiad â'r Gorchymyn hwn, a gellir cael copi gan Y Gangen Gwasanaethau Tân ac Achub, Yr Is-adran Diogelwch Cymunedol, Llywodraeth Cynulliad Cymru, Rhydycar, Merthyr Tudful, CF48 1UZ (ffôn 01685 729221).

**2011 Rhif 558 (Cy.80)**

**GWASANAETHAU TÂN AC  
ACHUB, CYMRU**

**Gorchymyn Awdurdodau Tân ac  
Achub (Dangosyddion Perfformiad)  
(Cymru) 2011**

*Gwnaed* 21 Chwefror 2011

*Gosodwyd gerbron Cynulliad Cenedlaethol  
Cymru* 1 Mawrth 2011

*Yn dod i rym* 1 Ebrill 2011

Mae Gweinidogion Cymru, drwy arfer y pwerau a roddwyd iddynt gan adran 8(1) o Fesur Llywodraeth Leol (Cymru) 2009(1), ac ar ôl ymgynghori â'r personau hynny y mae'n ofynnol arnynt, gan adran 8(3) o'r Mesur hwnnw, i ymgynghori â hwy, drwy hyn yn gwneud y Gorchymyn a ganlyn.

**Enwi, cychwyn, a chymhwyso**

1.—(1) Enw'r Gorchymyn hwn yw Gorchymyn Awdurdodau Tân ac Achub (Dangosyddion Perfformiad) (Cymru) 2011.

(2) Mae'r Gorchymyn hwn yn gymwys o ran awdurdodau tân ac achub yng Nghymru, a daw i rym ar 1 Ebrill 2011.

**Dangosyddion perfformiad**

2. Mae'r dangosyddion perfformiad y bydd perfformiad pob awdurdod tân ac achub yng Nghymru'n cael ei fesur yn eu herbyn wrth iddo ymarfer ei swyddogaethau yn cael eu pennu drwy hyn yn yr Atodlen.

*Carl Sargeant*

Y Gweinidog dros Gyfiawnder Cymdeithasol a  
Llywodraeth Leol, un o Weinidogion Cymru

21 Chwefror 2011

# YR ATODLEN

## Erthygl 2

### Lleihau Risg a Diogelwch Cymunedol

<i>Cyfeirnod</i>	<i>Dangosydd</i>
FRS/RRC/S/001	<p>i) Cyfanswm y tanau yr aethpwyd atynt, fesul 10,000 o'r boblogaeth;</p> <p>ii) Cyfanswm y prif danau yr aethpwyd atynt, fesul 10,000 o'r boblogaeth;</p> <p>iii) Cyfanswm y tanau yr aethpwyd atynt a oedd wedi eu cynnau drwy ddamwain mewn anheddau, fesul 10,000 o anheddau;</p> <p>iv) Cyfanswm y tanau yr aethpwyd atynt a oedd wedi eu cynnau'n fwriadol, fesul 10,000 o'r boblogaeth.</p>
FRS/RRC/S/002	<p>Nifer y:</p> <p>i) Marwolaethau a achoswyd gan danau, fesul 100,000 o'r boblogaeth;</p> <p>ii) Marwolaethau a achoswyd gan danau a oedd wedi eu cynnau drwy ddamwain, fesul 100,000 o'r boblogaeth;</p> <p>iii) Marwolaethau a achoswyd gan danau a oedd wedi eu cynnau'n fwriadol, fesul 100,000 o'r boblogaeth;</p> <p>iv) Anafiadau (ac eithrio archwiliadau rhagofalus) a ddeilliodd o danau, fesul 100,000 o'r boblogaeth;</p> <p>v) Anafiadau (ac eithrio archwiliadau rhagofalus) a ddeilliodd o danau a oedd wedi eu cynnau drwy ddamwain, fesul 100,000 o'r boblogaeth;</p> <p>vi) Anafiadau (ac eithrio archwiliadau rhagofalus) a ddeilliodd o danau a</p>

oedd wedi eu cynnau'n  
fwriadol, fesul 100,000  
o'r boblogaeth.

FRS/RRC/S/003

Cyfanswm y tanau mewn  
mangreoedd annomestig,  
fesul 1,000 o fangreoedd  
annomestig.

---